



Plata dla Ploania Antermëia Sant'Antone Abat

UNITÉ PASTORALA



VAL BADIA
www.unitepastorala.org

Ploan: siur Paul Campej
E-mail: campei.paul@rolmail.net

Calonia: 0474/520012
Siur Paul: 380 7345533

Ann C

17.03.2019 - 24.03.2019 - Secunda domënia de
Carsëma

n. 16

Scuté sö chê?

 Gen 15, 5–12.17–18 | Fil 3, 17 – 4,1 | Lc 9, 28b–36

Dal Vangele do San Lûca:

Te chël tēmp^{28b} à Gejù tut Pire, Jan y Iaco sön na pert y é jü impara sön na munt a perié.
²⁹Y tratan ch'al periâ, s'à mudé l'aspet de so müs, y so guant é diventè blanch lominus.
³⁰Te n iade baiâ dui ëi impara. Al ê Mosè y Elia; ³¹ai ê aparîs te n lominus raiënt y baiâ
de süa fin, che dô s'adempli a Ierusalem. ³²Pire y sü compagns ê gnüs coiüs dala sonn,
mo ai s'â descedè y odô Gejù te n lominus raiënt y i dui ëi che ê dlungia d'ël. ³³Canche
chisc dui orô s'un jì demez da d'ël, à Pire dit a Gejù: Maester, al é bun ch'i sun chilò. I
orun fà sö trëi üties, öna por tè, öna por Mosè y öna por Elia. Mo al ne savô nia cí ch'al
dijô. ³⁴Çiamò tratan ch'al baiâ, él gnü na nìora y i à curì cun süa ambria. Ai ê rovà ite
tla nìora y se temò. ³⁵Y dal nio scraiâ na usc: Chësc é mi Fi prelitè, ascutédele! ³⁶Mo do
che la usc â zedü, ê Gejù indô su. I discepui scutâ y ne ti cuntâ en chi dis a degügn cí
ch'ai â odü.



*Mi cör pënsa a tüa parora:
Chiride mi müs! To müs,
Signur, ôi chirì. No ascogne to
müs dan da mè!*

 Letöres dla Terza domënia de Carsëma:
Es 3, 1–8a.13–15 | 1 Cor 10, 1–6.10–12 | Lc 13, 1–9

Edema liturgica dai 17.03. ai 24.03.2019

2019	Ora	Mëssa
2^a DOMENIA 17.03 DE CARSEMA <i>oferta por la dlijia</i>	9.30 10.00	<i>Staziuns (fomenes-eres)</i> Gran Messa por la comunité 2^a de sopoltöra + Tarejia Ferdigg families Winkler, Frapes families Clara, Colmesan aniversar + Iarone Erlacher + Oliva Promberger
LÖNESC 18.03	19.30 !	<i>Festa de s. Ujöp</i> s. Messa a onur de s. Ujöp ++ Paul Clara y Ottilia Rubatscher
MERTESC 19.03 <i>s. Ujöp, nök de Maria</i>	17.00	<i>Staziuns dites dant dai Crejimanc</i>
MERCUI 20.03	7.25	s. Messa di scolari + Heinrich Rubatscher + Agostin Paratscha
JÖBIA 21.03	17.00	<i>Staziuns</i>
VENDRES 22.03	7.25	s. Messa + + Alfreider + Fabrizio Paletiero
SABEDA 23.03	18.00	s. Messa prefestia + Teresa Mellauner + Honnes Zingerle
3^a DOMENIA 24.03 DE CARSEMA <i>oferta por l KVW</i>	9.30 10.00	<i>Staziuns</i> Gran Messa por la comunité 3^a de sopoltöra + Tarejia Ferdigg fam. Silvester Promberger fam. Bernhard Ellecost a

Vire la Carsëma... 2.domënia

Vangele Lc 9,28b – 36

Pire y sü compagns ê gnüs coiüs dala sonn, mo ai s'á descedé ..

Impuls: *Ince nos, che i sun cherdá tres le bato a na vita cun Gejú Crist, gnun coiüdes y coiüs dal sonn...I ó me (lascé) descedé por...*





Informaziuns y terminns

S. Ujöp: la Mëssa en onur de s. Ujöp tignunse la vöia (lönesc) da sëra, 19.30, por che i èi pois ince to pert ala Mëssa de so patronn. Gnide tröc!

*A pe de dlijia ciafëise indô **Calendri por la Carsëma**, che ó nes acompagné cun pinsirs y meditaziuns fora por chësc tëmp de reflësciun – 1€*

N gran dilan por les ofertes ala dlijia, fates en ocasiun dla sopoltöra dla + Tarejia Ferdigg: fam. Ferdigg, Poldele; fam. Plazza, Prebraié. Dilan!

I consëis de Cöra da San Martin y Lungiarü inviëia dër bel a n referat cun Siur Josef Knapp, en **dedemesaledema, 27 de merz 2019, dales 20:00**, tl salf di stüdafüs a San Martin de Tor „**Wofür es sich lohnt. Wer seiner Berufung folgt, hat mehr vom Leben.** „ (Besinnlicher Abend zum Jahresthema der Diözese „Auf dein Wort hin: Beschenkt – gerufen – gesandt“ – Vocaziuns y posc de spiritualité)

Orar nü da aurí 2019 dla Portina por l'assistënza y la cura te Raiun Sozio-Sanitar Val Badia - L'ofize dla Portina por l'assistënza y cura, tl'alzada a tera é davert da aurí 2019 inant trëi iadi al'edema: le lönesc dales 14.00 ales 16.00, le mercui y la jöbia dales 10.00 – 12.00 tel. 0474/586123 tratan chisc orars. Le team **informëia** sön düc i sorvisc, sön les poscibilités de sostëgn y alisiramënt, sön i aiüc esistënc, i dërc y dovëis, sön le sostëgn finanziair y i.i. y **dëida** fá de vigni sort de domandes y atres praticches burocratiches.

I **Grups di Ministranc y dla Schira Jonila Val Badia** organisëia adöm cun le Grup dles Families dla Unité Pastoral a en sabeda, ai 23 de merz la **prozesciun dles Staziuns da Badia sö Oies**. I piun ia dala calonia demez dales 14.45 por rové sö ala Mëssa dales 16.00. Dedô aurela cörta y n pice buffet. Düc, dantadöt les families cun sü mituns, é dër bel inviá da gní a tó pert.

Le **KVW** inviëia ala **51^a incuntada di vëdui, vëdues y porsones sores** en domënia, ai 31 de merz, dales 9.30, a Porsenú tl Forum: Mëssa cun siur Josef Stricker, dedô referat de Rudi Gamper: “Dí madër dilan”. Domisdé aurela cörta cun le grup de teater de Santa Cristina. Präibel prenotësse cina ai 27 de merz pro les surastantes dl KVW de osc paisc. La marëna costa 15 €. Al passa n bus dales 7.40 a Picolin.



Heiliger Josef: 19. März

*Mensch des Glaubens,
treusorgender Vater,
Mann der Tat,
Hörer des Wortes,
Gott vertrauend.*

*Da te, Sant Ujöp, iüst y fedel,
gnunse te nüsc bojëgns
a te perié do tüa proteziun.
Tö che t'as fistidié
por Santa Maria y so Fi,
ciara ince de nos
ch'i sun gnüs salvá da Gejú
y da d'ël surandá sciöche fis
a süa uma Maria.
Tëgn tües mans
sura vigni ciasa, stüa y fojina.
Straverdesse dales invidies,
dai sënns, dales calunies,
dal malcontënt, dala fan,
dala ciarestia de laur,
da revoluziuns y da veres.
Insëgnesse umilté y paziënza
y dëidesse tl'ora de nosta mort.
Amen.*

Mësses a Rina:	Dom 8.30 Dedol 19.30 Jöb 7.25 Sab 19.15 Dom 8.30
Mësses a San Martin:	Dom 9.30 Dedol 19.30 Jöb 7.30 Sab 18.30 Dom 9.30

	18.03 - 23.03.2019	Alexia - Karol
	21.03.2019	Joel – Thomas - Annika
	24.03.2019	<u>Nadine - Lisa - Stefan</u> - Dominik
	23.03.2019	Annamaria Kircher
	24.03.2019	Guido Rives
	<p>Les mius aodanzas por le compliagn ti fajunse a Erlacher Giuseppina (76). Döt le bun.</p>	